

Na osnovu člana 4. Odluke o utvrđivanju uslova za ostvarivanje prava učešća građana u proizvodnji kultivisanih gljiva pod kontrolisanim uslovima (šampinjoni ili bukovača)
broj: 01-05-4-926/15 od dana 22.05.2015.godine, Načelnik Općine Stari Grad Sarajevo objavljuje:

JAVNI POZIV
za predaju zahtjeva u proizvodnji kultivisanih gljiva pod kontrolisanim uslovima
(šampinjoni ili bukovača)

1.PRAVO PRIJAVE NA JAVNI POZIV

Pravo podnošenja prijave za predaju zahtjeva u proizvodnji kultivisanih gljiva pod kontrolisanim uslovima imaju gazdinstva sa mjestom prebivališta i podnom površinom objekta za proizvodnju gljiva na području Općine Stari Grad.

2.USLOVI ZA ODABIR POLJOPRIVREDNOG GAZDINSTVA U PROIZVODNJI KULTIVISANIH GLJIVA POD KONTROLISANIM USLOVIMA

Pravo na odabir u proizvodnji kultivisanih gljiva pod kontrolisanim uslovima mogu ostvariti gazdinstva koja ispunjavaju navedene uslove:

Opći uslovi :

1. Da podnosilac zahtjeva ima mjesto prebivališta i podnu površinu objekta u proizvodnji gljiva minimum 20 m² na području Općine Stari Grad;
2. Zakonski korisnik zemljišta (vlasnik, suvlasnik, nosilac prava korištenja i slično);
3. Da objekat pripada poljoprivrednom gazdinstvu, odnosno da je na posjedu gdje podnosilac zahtjeva stanuje;
4. Broj članova poljoprivrednog gazdinstva.

Posebni uslovi:

1. Da poljoprivredno gazdinstvo u odgovarajućem objektu na minimum 20 m² proizvodi tri turnusa gljiva šampinjona ili bukovače;
2. Da poljoprivredno gazdinstvo u uslovnom prostoru od 100 m² proizvodi tri turnusa gljiva šampinjona ili bukovače;
3. Da poljoprivredno gazdinstvo u uslovnom prostoru od 100 m² proizvodi šest turnusa gljiva šampinjona ili bukovače;
4. Da poljoprivredno gazdinstvo ima tradiciju u proizvodnji gljiva.

3.POTREBNA DOKUMENTACIJA

Uz zahtjev za odabir poljoprivrednog gazdinstva u proizvodnji kultivisanih gljiva pod kontrolisanim uslovima potrebno je priložiti dokaze o ispunjavanju uslova iz Javnog poziva kao i druge dokaze, originale ili ovjerene fotokopije dokumenata koji ne mogu biti stariji od 6 mjeseci:

1. Dokaz da je zakonski korisnik zemljišta: Prepis posjedovnog lista nadležne općinske službe ili kupoprodajni ugovor zakonski ovjeren.
2. Kopija lične karte i kopija prijave o mjestu boravka za podnosioca zahtjeva.
3. Kućna lista.

Svaki navedeni uslov navest će se u zapisniku koji će formirati Komisija za odabir domaćinstva u gljivarskoj proizvodnji (u daljem tekstu Komisija).

4. PODNOŠENJE ZAHTJEVA I DOKUMENATA

Obrasci zahtjeva za poljoprivredna gazdinstva u proizvodnji kultivisanih gljiva pod kontrolisanim uslovima mogu se podići u šalter Sali Općine Stari Grad. Zahtjevi sa pratećom dokumentacijom se predaju na šalteru protokola u zgradi Općine Stari Grad, ulica Zelenih beretki br.4, sa naznakom: Služba za privredu - Prijava na **Javni poziv za predaju zahtjeva u proizvodnji kultivisanih gljiva pod kontrolisanim uslovima (šampinjoni ili bukovača)**. Sve dodatne informacije mogu se dobiti u Službi za privredu, soba 416, IV sprat.

5. PROCEDURA ODABIRA KORISNIKA

Proceduru odabira pristiglih zahtjeva izvršit će Komisija za odabir domaćinstava u gljivarskoj proizvodnji.

6. FINANSIJSKA SREDSTVA

U okviru pozicije Stimulisanje poljoprivredne proizvodnje - obezbjeđuju se sredstvima iz Budžeta Općine Stari Grad Sarajevo za 2015.godinu u različitom iznosu, za svaki pojedinačni zahtjev, konstatovanom zapisnički na terenu.

7. NAPOMENA

1. Zahtjevi sa nepotpunom dokumentacijom neće biti razmatrani.
2. Rok za podnošenje prijave na Javni poziv je 7 dana od dana njegovog objavljivanja.
3. Proceduru odabira pristiglih zahtjeva izvršit će Komisija za odabir domaćinstava u gljivarskoj proizvodnji. Odluku o izboru donosi Načelnik Općine Stari Grad na prijedlog Komisije.
4. O rezultatima Javnog poziva svi učesnici će biti obaviješteni putem Oglasne ploče Općine Stari Grad, a mogu se i lično informisati u Službi za privredu, soba 416, IV sprat.

OPĆINSKI NAČELNIK

mr. Ibrahim Hadžibajrić, s.r.

Sarajevo, 05.06.2015. godine

